

CONVENIO PARA CONCESIÓN DUNHA SUBVENCIÓN DIRECTA ENTRE A AXENCIA GALEGA DE DESENVOLVEMENTO RURAL E O CONCELLO DE CRECENTE PARA O PROXECTO SENLLEIRO DE ACONDICIONAMENTO EXTERIOR DO MERCADO MUNICIPAL, DENTRO DA CATEGORÍA DE "PROMOCIÓN E POSTA EN VALOR DOS PRODUTOS AGROALIMENTARIOS DA COMARCA."

Santiago de Compostela, na data da sinatura electrónica.

REUNIDOS

Dunha parte, D. José González Vázquez, conselleiro do Medio Rural, en virtude do seu nomeamento polo Decreto 60/2022, do 15 de maio, polo que se nomean os titulares das vicepresidencias e consellerías da Xunta de Galicia (DOG núm. 94, do 16 de maio), na súa condición de presidente da Axencia Galega de Desenvolvemento Rural (Agader), CIF Q1500273F, con domicilio na Barcia, estrada Santiago-Noia, km. 3, 15897, Santiago de Compostela, e no uso das facultades delegadas atribuídas no Acordo do Consello de Dirección da Agader do 21 de xullo de 2021 (DOG núm. 148, do 4 de agosto).

Doutra parte, D. Julio Cesar García – Luengo Pérez, na súa condición de alcalde do Concello de Crecente, segundo o disposto no artigo 61 da Lei 5/1997, da administración local de Galicia, do artigo 21 da Lei 7/1985, do 2 de abril, reguladora das bases do réxime local, e do artigo 24 do Real decreto legislativo 781/1986, do 18 de abril, do texto refundido das disposicións legais vixentes en materia de réxime local.

Ámbalas partes teñen plena capacidade para levar adiante este convenio e,





EXPOÑEN

Primerio.- Que ambas entidades son conscientes da necesidade de favorecer as condicións e o entorno para a mellora da calidade de vida da poboación que permitan por un lado unha adecuada oferta no ámbito do ocio, o deporte, a cultura, e/ou sectores produtivos e permitan así mesmo unha boa gama de servizos básicos que permitan a mellora das condicións de sociabilización e interrelación das parroquias rurais de Galicia dende a premisa principal de garantir a existencia das infraestruturas básicas para elo e mellorar a estrutura do territorio para fixar a poboación do rural galego.

Segundo.- Que a Axencia Galega de Desenvolvemento Rural creouse pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (DOG núm. 251, do 29 de decembro).

A Axencia Galega de Desenvolvemento Rural está adscrita á Consellería do Medio Rural, ten personalidade xurídica e patrimonio propios, goza de autonomía administrativa e económica e posúe plena capacidade de obrar, tanto no campo do dereito público como no do dereito privado, para o cumprimento dos seus fins e con suxeición á normativa correspondente.

A Axencia Galega de Desenvolvemento Rural quere promover e poñer en valor no ámbito rural galego o patrimonio histórico, a recuperación da terra agraria, a patrimonio histórico, a vida social, cultural e educativa e os produtos agrolimentarios, xa que as actuacións sobre os ditos ámbitos contribúen a mellorar a calidade de vida e a cohesión a vida social e a estimular o arraigamento da poboación no medio rural, de xeito que fagan deste un lugar máis atractivo, ao ser as ditas actuacións interesantes dende o punto de vista do fortalecemento do orgullo rural, da diversificación económica, da potenciación do interese polo territorio e, polo tanto, do desenvolvemento xeral do territorio.

A Axencia Galega de Desenvolvemento Rural, no marco das súas competencias e dentro das súas accións estratéxicas, ven apoiando, mediante axudas directas a través de convenios, baixo a denominación de "proxectos senlleiros", diversas actuacións por entender que concorren nelas as características de especial relevancia para o desenvolvemento rural que as fan merecedoras de apoio económico.

Coa finalidade de prever, con carácter xeral, os requisitos para a concesión deste tipo de axudas, o 20 de abril de 2022 o Consello de Dirección da Axencia Galega de Desenvolvemento Rural aprobou o Acordo polo que se fixan as regras de tramitación das axudas, mediante concesión directa a través de convenio, do Programa de Proxectos

Senlleiros

(https://agader.xunta.gal/sites/w_pagade/files/documentacion/acordos/2022_04_28_acordo_proxectossenlleiros.pdf), no que conceptúan como proxectos senlleiros as





actuacións sobre elementos e realidades merecedores dun recoñecemento especial, pola súa capacidade para contribuír á conservación de dúas finalidades esenciais: Mellorar a calidade de vida da poboación e promover a fixación desta nas áreas rurais.

Terceiro.- Nos termos previstos na Lei 7/1985, do 2 de abril, de bases do réxime local, o Concello de Crecente para a xestión dos seus intereses e no ámbito das súas competencias, promove actividades e prestar os servizos públicos que contribúen a satisfacer as necesidades e aspiracións da comunidade veciñal. No ámbito destas competencias, desenvolve todas aquelas funcións que favorezan o desenvolvemento da súa contorna. Por outro lado, o Concello de Crecente, como entidade máxima da representación do seu territorio debe de ser unha entidade referente na potenciación de actuacións que favorezan ese desenvolvemento.

O 22.09.2022, dentro do Programa de Proxectos Senlleiros da Axencia Galega de Desenvolvemento Rural asinou un convenio senlleiro entre a Axencia e o Concello de Crecente para o financiamento do proxecto senlleiro de acondicionamento interior do mercado municipal dentro da categoría "promoción e posta en valor dos produtos agroalimentarios da comarca". As obras que se relacionan no seu Anexo I foron executadas de conformidade ao establecido do marco do citado convenio.

Con todo, a necesidade de completar o destino público e social do mercado fai preciso que as reformas iniciadas no interior do mercado municipal do Concello de Crecente no ano 2022 teñan unha continuidade no exterior do mesmo. Por iso o 17 de xaneiro de 2024 o Concello de Crecente presentou unha solicitude de colaboración para o financiamento dun proxecto senlleiro de acondicionamento exterior do mercado municipal dentro da categoría "Promoción e posta en valor dos produtos agroalimentarios da comarca". Esta solicitude ten como finalidade cumprir o obxectivo senlleiro do mercado no seu conxunto.

Polo tanto, as intervencións que o concello propón e que se relacionan no Anexo I deste novo convenio, teñen unha continuidade nas intervencións inicialmente propostas no 2022 e polo tanto, obedece aos mesmos obxectivos do Programa de Proxectos Senlleiros da axencia Galega de Desenvolvemento Rural.

As novas actuacións a realizar teñen por obxecto a impermeabilización, o cerramento exterior e acondicionamento do acceso exterior para o seu uso, de tal forma que se garanta unha perfecta posta en obra.

Con esta actuación preténdese facilitar o acceso ao mercado municipal así como a alongar a súa vida útil de tal xeito que coa súa actividade poida contribuír á cohesión da vida social do Concello de Crecente e á estimulación do arraigamento da poboación sobre o seu territorio posto que no mercado municipal promociónase os





produtos e as actividades agraria da zona. De este xeito poranse en valor os produtos agroalimentarios das comarcas tanto da Paradanta como do Baixo Miño ás que está ligado o Concello de Crecente e facilitarase a comercialización de produtos agroalimentarios característicos dun ámbito territorial rural, en especial os amparados por denominacións de orixe e indicacións xeográficas protexidas.

Así mesmo, un mercado municipal é un sito que fomenta a xuntanza da veciñanza e mellora as relacións sociais dos veciños, dinamizando a vida socioeconómica e cultural da zona. Con esta intervención tamén se revaloriza o inmovible.

En consecuencia, as citadas actuacións teñen cabida no Programa de proxectos senlleiros da Axencia Galega de Desenvolvemento Rural, xa que, conforme ao citado Acordo do 20 de abril de 2022 do seu Consello de Dirección, contribúe a cohesionar a vida social no medio rural e a estimular o arraigamento da poboación sobre o territorio no que habita nel mediante a consecución dos seguintes obxectivos:

- Promoción dos produtos e a actividade agraria da zona.
- Dinamización da vida socioeconómica da zona.
- Mellora da relación social dos veciños.
- Revalorización de infraestruturas.
- Xeración de riqueza e emprego.
- Satisfacción de necesidades e aspiracións da veciñanza.
- Fortalecemento do orgullo e satisfacción de pertenza á comunidade rural beneficiaria do proxecto.

Cuarto.- De acordo co artigo 26 da Lei 9/2007, do 13 de xuño, de subvencións de Galicia, non é posible promover a concorrencia pública para a realización desta actuación. A actividade comercial determina a vitalidade económica dunha zona, sen dúbida uns dos alicerces nos cales se deben soste as políticas de fixación de poboación durante os vindeiros anos. O comercio constitúe un elemento determinante para a cohesión e integración social e é esencial para configurar unha identidade propia, actividades singulares e culturalmente diversas.

A singularidade do proxecto do Concello de Crecente reside na promoción e posta en valor dos produtos agroalimentarios da comarca. A comercialización e posta en valor dos produtos locais vai máis alá da súa consideración como actividade económica; o mercado configúrase como un espazo de relación veciñal, como catalizador da poboación do concello e constitúe un lugar de encontro e relación veciñal que incentiva o desenvolvemento da comarca.

A subvención directa decídese en base a criterios obxectivos, que foron fixados mediante o Acordo do Consello de Dirección de Agader do 20 de abril de 2022 polo





que se fixan as regras de tramitación das axudas, mediante concesión directa a través de convenio, do Programa de Proxectos Senlleiros. En concreto, na regra 3.- Categorias de proxectos senlleiros, sinala que os proxectos financiados a través do programa deberán pertencer a algunha das categorías seguintes:

E) Promoción e posta en valor dos produtos agroalimentarios da comarca. Os proxectos senlleiros desta categoría deben reunir algunha das seguintes características:

- a. Facilitar a transformación ou comercialización de produtos agroalimentarios característicos dun ámbito territorial rural, en especial os amparados por denominacións de orixe e indicacións xeográficas protexidas.
- b. Potenciar a produción, a transformación e a comercialización dos produtos naturais, salvo a produción dos produtos do Anexo I do Tratado da UE, que identifican unha zona ou comarca e forman parte do seu tecido produtivo.

Por outra parte, o citado Acordo do 20 de abril de 2022 sinala como posibles entidades beneficiarias das axudas para os proxectos senlleiros as seguintes entidades públicas ou privadas sen ánimo de lucro que realicen actividades en beneficio da poboación do rural galego: Concellos

Por último, o Acordo do 20 de abril de 2022 tamén sinala que o ámbito territorial de execución dos proxectos senlleiros será o todo territorio da Comunidade Autónoma de Galicia, agás:

- a. Nas provincias da Coruña e de Pontevedra, as entidades singulares de poboación (unidades de poboación) que superen os 6.000 habitantes.
- b. Nas provincias de Lugo e de Ourense, as entidades singulares de poboación (unidades de poboación) que superen os 10.000 habitantes.
- c. Os termos municipais dos concellos de Vigo e da Coruña, tendo en conta que todo o territorio de ditos concellos ten un alto grao de influencia urbana, derivada da presenza das dúas cidades galegas máis grandes.
- d. Os parques empresariais situados no territorio dos concellos de Ourense, Santiago de Compostela, Lugo, Ferrol e Pontevedra.

Polo exposto, o proxecto presentado polo concello de acondicionamento exterior do mercado municipal dentro da categoría "Promoción e posta en valor dos produtos agroalimentarios da comarca", cumpre cos criterios obxectivos e subxectivos necesarios que xustifican o financiamento desta actuación a través dunha subvención directa e motivan a súa formalización a través deste convenio.

En consecuencia, as partes, asinan este convenio para a concesión dunha subvención directa, de acordo coas seguintes





CLÁUSULAS

PRIMEIRA.- Obxecto e actuacións

O obxecto do presente convenio é o financiamento da memoria técnica presentada polo Concello de Crecente para o acondicionamento exterior do mercado municipal como proxecto senlleiro na categoría promoción e posta en valor dos produtos agroalimentarios da comarca dentro do Programa de Proxectos Senlleiros da Axencia Galega de Desenvolvemento Rural.

O acondicionamento exterior do mercado municipal, no Concello de Crecente ten como finalidade mellorar a calidade de vida da poboación que reside nesa parroquia e contribuír a fixar a poboación dese núcleo.

SEGUNDA.- Actuacións a realizar

- Mellora da impermeabilización da fachada leste colocando no pinche un panel sándwich illante para fachada, de 40 mm de espesor, e procedendo á reparación e ao recheo das xuntas do muro de mampostería dun morteiro de albanelaría de elevadas resistencias mecánicas e permeabilidade ao vapor de auga. Para tal fin, instalárase un andamio tubular normalizado, tipo multidireccional, para execucións en fachadas de ata 250 m² e de ata 10 m de altura máxima de traballo.
- Demolición do pavimento continuo de formigón que compón o solo do soportal, de 12 cm de espesor, por estar moi deteriorado para proceder a executar unha soleira de formigón armado de 12 cm de espesor, con interposición dunha malla electrosoldada como armadura de reparto e acabado superficial raspado para garantir una boa adherencia superficial.
- Colocación de arquetas e colector enterrado de PVC, serie SN-4, e 200 mm de diámetro exterior para evitar que a auga que se recolle no faldrón sur e que se evacúa a través dunha baixante situada na esquina sureste da edificación directamente a unha rampla cause danos e a erosión da mesma, procederáse a recollela a través dunha serie de
- Colocación dunha chapa metálica de aluminio lacado de xeito vertical entre a cuberta principal do mercado e a cuberta do soportal para evitar que nos momentos de fortes chuvias se cole auga podendo mollar as persoas que transiten polo soportal.





Ao abeiro do presente convenio considéranse actuacións subvencionables os investimentos e gastos realizados polo beneficiario que se detallan no Anexo I "Orzamento xeral, descrición das obras e xustificación dos prezos" de este convenio e cumpran as condicións que se detallan na memoria técnica presentada.

TERCEIRA.- Obrigas do Concello de Crecente

O Concello de Crecente comprométese a facer constar en toda a publicidade -tanto impresa como audiovisual- a colaboración da Agader e a Xunta de Galicia, para o que utilizará a normativa da imaxe corporativa da propia da Agader. Así mesmo comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tamén será de aplicación o establecido no Decreto 11/2009, do 8 de xaneiro, polo que se aproba o Regulamento da Lei 9/1997, en canto non se opoña á lexislación anterior. Con carácter supletorio, será de aplicación o disposto na Lei 38/2003, xeral de subvencións, e no seu regulamento, aprobado polo Real Decreto 887/2006, do 21 de xullo.

Os beneficiarios deberán dar cumprimento as obrigas de publicidade que se establecen no artigo 18 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

O beneficiario ten a obriga de prestar colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma, ao Tribunal de Contas e ao Consello de Contas.

Segundo o establecido no artigo 4 do Decreto 193/2011, polo que se regulan especialidades nas subvencións ás entidades locais galegas, é necesario que o Concello de Crecente cumpra co deber de remisión ao Consello de Contas das contas xerais de cada exercicio

O Concello de Crecente deberá presentar declaración responsable, para proceder á sinatura do convenio e despois para o seu pagamento, de estar ao día no cumprimento das obrigas tributarias e fronte á seguridade social e de non ter pendente de pagamento ningunha outra débeda coa administración pública da comunidade autónoma, segundo o establecido no artigo 10 da Lei 9/2007, de subvencións de Galicia, e no artigo 11 do Decreto 11/2009, polo que se aproba o regulamento da citada lei.





A sinatura deste convenio implica, de ser o caso, a autorización á Axencia para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

O Concello de Crecente comprométese a destinar os fondos percibidos ao obxecto concreto para o que foron concedidos, polo menos durante un período mínimo de 5 anos sempre e cando se trate de bens inventariables. A Axencia poderá comprobar, cando o considere pertinente, a execución das actividades obxecto deste convenio.

CUARTA.- Financiamento

O gasto total das actuacións da memoria técnica de acondicionamento exterior do mercado municipal a desenvolver polo beneficiario no marco deste convenio, ascende a corenta e catro mil catrocentos oitenta e seis euros con seseta e tres céntimos (44.486,63 €), para o período 2024.

Para o desenvolvemento desas actuacións, a Axencia Galega de Desenvolvemento Rural concede ao Concello de Crecente unha subvención directa a fondo perdido por un importe de 44.486,63 euros para a anualidade 2024.

A achega da Axencia Galega de Desenvolvemento Rural realizarase con cargo á aplicación orzamentaria que se indica a continuación, dos presupostos da Comunidade Autónoma de Galicia para o ano 2024, a través dos mecanismos previstos no ordenamento xurídico, que inclúen o cumprimento por parte do beneficiario dos requisitos legais para ser beneficiario.

Aplicación orzamentaria 14.A1.712A.760.0 dos orzamentos xerais da Comunidade Autónoma de Galicia para o ano 2024 , código de proxecto 2017-00003.-"Actuacións senlleiras de mellora do patrimonio rural".		TOTAL
Importe	2024	44.486,63 €
	44.486,63 €	





Os importes da subvención serán aboados trala presentación da documentación xustificativa da realización das actuacións financiadas (presentada no prazo e coas condicións indicadas na cláusula correspondente do presente convenio) e da emisión do correspondente informe técnico favorable por parte da Axencia Galega de Desenvolvemento Rural, que poderá recorrer, se o considera necesario, a o apoio de expertos externos.

Nos importes indicados entenderase incluído o IVE, sempre e cando este supoña un custo real soportado polo beneficiario, podendo ser considerado gasto subvencionable. Neste caso deberá presentarse un certificado relativo á situación do beneficiario respecto o IVE.

A achega conveniada trátase dun importe certo, quedando por conta do beneficiario a diferenza de financiamento necesario para a total execución da actividade subvencionada, debendo ser reintegrado o financiamento público unicamente no caso e polo importe que supere o custo total e real da actividade, segundo o establecido no artigo 21.2 do Regulamento de subvencións de Galicia.

En aplicación do Decreto 193/2011, do 6 de outubro, pola que se regulan especialidades nas subvencións ás entidades locais galegas, Agader poderá efectuar pagos anticipados, que suporán a entrega de fondos con carácter previo á xustificación, ata un importe máximo do 50% da cantidade total subvencionada. Este anticipo non poderá superar o importe previsto para cada anualidade. A concesión do anticipo farase mediante resolución motivada.

O pagamento restante realizarase no momento da completa xustificación polo Concello de Crecente do cumprimento da finalidade e demais condicións establecidas no convenio.

O Concello de Crecente tamén poderá solicitar pagos á conta, conforme ao artigo 62 do Regulamento da Lei de subvencións, que responderán ao ritmo de execución das actividades subvencionadas aboándose pola contía equivalente á xustificación presentada.

O importe conxunto dos pagos á conta e dos pagos anticipados que se concedan non poderá exceder do 80% da cantidade subvencionada, ou sexa, 35.589,30 €.

O artigo 65.1 do Decreto 11/2009, polo que se aproba o Regulamento da Lei 9/2007, do 13 de xuño, de subvencións de Galicia establece que os beneficiarios están obrigados á constitución de garantías cando estea prevista a posibilidade de realizar pagamentos á conta ou anticipados; non obstante, segundo o apartado 4 do





devandito artigo, exonera de constitución de garantía, entre outros, as administracións públicas.

No caso de que o Concello de Crecente solicite pagamentos anticipados deberá presentar unha memoria xustificativa e económica na que se recollan as actuacións que ten previsto realizar co custo das actividades.

QUINTA.- Xustificación dos gastos

O beneficiario xustificará ante a Axencia Galega de Desenvolvemento Rural a realización das actuacións por un importe total previsto de 44.486,63 € IVE incluído.

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007, do 13 de xuño, e de acordo co previsto no Decreto 193/2011, do 6 de outubro, polo que se regulan especialidades en subvencións ás entidades locais galegas. A data tope de presentación da documentación xustificativa da actividade e, se fora o caso, da xustificación dos gastos que restasen por aboar ata acadar o 100% rematará o 15.11.2024 sen prexuízo de que as actividades subvencionadas sexan as executadas a partires do 01 de xaneiro de 2024.

Se, transcorrido o prazo establecido para a xustificación da subvención, o beneficiario non presenta a documentación pertinente segundo o indicado no presente convenio, a Axencia Galega de Desenvolvemento Rural requirirá conforme ao artigo 45.2 do Regulamento da Lei de subvencións de Galicia, para que no prazo improrrogable de dez días a presente.

A falta de presentación da xustificación nos prazos establecidos nesta cláusula comportará a perda do dereito ao cobramento total ou parcial da subvención, a esixencia de reintegro e demais responsabilidades establecidas na Lei de subvencións de Galicia. A presentación da xustificación no prazo adicional establecido non eximirá ao beneficiario das sancións que, conforme á lei, correspondan.

A conta xustificativa presentarase electronicamente na Carpeta do cidadán da persoa solicitante/representante, <https://sede.xunta.es/carpeta-do-cidadan>, e incluírá a seguinte documentación:

- Certificación expedida pola Secretaría da entidade co visto e prace da persoa titular da alcaldía, relativa á aprobación polo órgano competente da conta xustificativa da subvención, na que se faga constar de forma detallada:
 - O cumprimento da finalidade da subvención.





-Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguintes relación: identificación do/a acredor/a, número de factura ou documento equivalente, importe, data de emisión e data de recoñecemento da obra polo órgano competente.

- Certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida.
- Certificación ou informe da persoa titular da Secretaría ou da Intervención da entidade local ou, de ser o caso, do/da empregado/a público/a que, de acordo coa estrutura organizativa do concello, teña atribuída as competencias en materia de contratación pública, acreditativo de que o procedemento de contratación se tramitou nos termos previstos na normativa de contratación do sector público, e con indicación do procedemento seguido para a contratación das obras subvencionadas.
- Facturas expedidas polas empresas adxudicatarias dos traballos relacionados co obxecto deste convenio achegando xunto coas mesmas o comprobante de pago efectuado e certificacións ou calquera outro documento con validez xurídica que permita a acreditación do cumprimento da finalidade da subvención.
- Declaración que conteña unha relación detallada doutras subvencións, axudas, ingresos o recursos que financien as actividades subvencionadas, así como a modificación das circunstancias que fundamentaran a concesión da subvención.
- Permisos, licenzas e autorizacións que resulten preceptivos segundo a lexislación vixente.
- Acta de recepción.
- Aclaracións ou informes relativos á xustificación do investimento que o órgano xestor considere convenientes.

A presentación desta información é requisito imprescindible para a tramitación do pagamento, e devolverase toda a xustificación que non o cumpra.

En todo o relativo aos gastos subvencionables deberá cumprirse o disposto no artigo 29 da Lei 9/2007, de 13 de xuño, de subvencións de Galicia (modificado pola Lei 12/2011, do 26 de decembro, de medidas fiscais e administrativas).

No caso de que a entidade concerte con terceiros a execución total ou parcial da actividade obxecto do convenio, estarase ao disposto no artigo 27 da Lei 9/2007, de 13 de xuño, de Subvencións de Galicia e na Lei 9/2017, de 8 de novembro, de contratos do sector público.

No caso de que o Concello de Crecente non xustifique ou a xustificación sexa insuficiente, procederá o reintegro das cantidades percibidas e a esixencia do xuro de





demora correspondente dende o momento do pagamento de subvencións ata a data na que se acorde a procedencia do reintegro.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas. O importe das subvencións en ningún caso poderá ser de tal contía que illadamente ou en concorrencia con outras subvencións, ingresos ou recursos, supere o custo da actividade subvencionada. En caso de superar procederá o reintegro do exceso obtivo sobre o custo da actividade subvencionada así como a esixencia do xuro de demora correspondente.

SEXTA.- Compromiso de participación das mulleres.

Mediante o presente convenio as partes asinantes asumen un compromiso de fomento da participación das mulleres tanto no seu ámbito de actuación como nos seus órganos de decisión.

SÉTIMA.- Causas de resolución

O incumprimento de calquera das cláusulas deste convenio constituirá causa suficiente para a súa rescisión, e así mesmo procederase o reintegro da subvención cando conorra algunha das causas previstas no artigo 33 da Lei 9/2007, de 13 de xuño, de subvencións de Galicia.

OITAVA.- Publicidade

As partes asinantes deberán cumprir coas obrigas derivadas da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, o Concello de Crecente acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de





subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, do 20 de xullo e no decreto 132/2006, do 27 de xullo.

NOVENA.- Xurisdición

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia e a súa normativa de desenvolvemento. Aplicarase con carácter supletorio a Lei 38/2003, do 17 de novembro, xeral de subvencións. Así mesmo será de aplicación a Lei 40/2015, do 1 de outubro, de réxime xurídico do sector público.

Este convenio ten natureza administrativa. A xurisdición contencioso-administrativa será a competente para o coñecemento de posibles cuestión litixiosas que poidan suscitarse como consecuencia del.

DÉCIMA.- Vixencia

O período de vixencia deste convenio será dende a súa sinatura e ata o 15 de novembro de 2024, sen prexuízo de que as actividades subvencionadas sexan as executadas a partires do 01 de xaneiro de 2024.

DECIMO PRIMEIRA.- Comisión de seguimento

Para o seguimento do convenio e da súa execución así como para propoñer solucións aos conflitos que poidan xurdir na aplicación e interpretación das cláusulas do convenio constituirase unha comisión de seguimento que estará integrada por un representante designado polo Concello de Crecente e un representante designado pola Axencia Galega de Desenvolvemento Rural.

DECIMO SEGUNDA.- Notificación electrónica

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas





xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica).

Así mesmo, o interesado pode autorizar a calquera outra persoa a acceder ao contido das súas notificacións.

Este convenio obriga ás partes que o asinan ao seu cumprimento, e ambas as dúas sométense ao acordado en tódalas estipulacións.

E en proba de conformidade de canto antecede, asinan o presente convenio no lugar e data arriba indicado.

José González Vázquez
(P.D. Acordo do Consello de
Dirección do 21.07.2021)

Julio Cesar García – Luengo Pérez

Presidente da Axencia Galega de
Desenvolvemento Rural

Alcalde do Concello de Crecente





ANEXO I

- Orzamento xeral

Orzamento		
Capítulo	Descrición	Importe
01	Actuación previas	12.177,48 €
02	Demolicións	1.329,48 €
03	Acondicionamento do terreo	3.643,99 €
04	Estruturas	2.557,63 €
05	Fachadas e particións	7.560,83 €
06	Remates e axudas	2.113,28 €
07	Xestión de residuos	336,21 €
08	Control de calidade e ensaios	336,21 €
09	Seguridade e saúde	840,53 €
Orzamento de execución material		30.895,64 €
13% Gastos xenerais		4.016,43 €
6% Beneficio Industrial		1.853,74 €
Orzamento de execución pro contrata		36.765,81 €
21 % IVE		7.720,82 €
Orzamento base de licitación		44.486,63 €

- Descrición das obras e xustificación dos prezos

1.- Capítulo 01- Actuacións previas

- Ud Alquiler andamio tubular normalizado.....1.272,54 €
- Ud Transporte e retirada de andamio tubular normalizado.....1.865,00 €
- Ud Montaje e desmontaxe de andamio tubular normalizado.....6.724,90 €
- M2 Protección de andamio con malla de tecido plástico m2.....6,95 €

2.- Capítulo 02- Demolicións

- M2 Demolición de pavimento continuo de formigón armado e=12cm.....34,90 €

3.- Capítulo 03- Renovación encintado muros e pintura

- Ud Arqueta a pe de bajixante 50x50x50.....439,17 €
- Ud Arqueta de paso 50x50x50.....523,36 €
- M Colector enterrado de saneamento PVC SN-4.....86,11 €
- M³ Excavación en zanzas para instalacións en cualquier tipo de terreo con medios mecánicos.....72,56 €





4.- Capítulo 04- Estruturas

- M² Soleira de formigón armado e=12cm.....67,14 €

5.- Capítulo 05- Fachadas e particións

- M² Cerramento de fachada formado por panel sándwich aislante para fachadas e=40mm.....137,20 €
- M Remate para verteaugas de cerramento de paneis de aceiro.....42,53 €
- M Remate para esquina exterior de cerramento de paneis de aceiro.....44,81 €
- M² Recheo e reparación de xuntas de muros de mampostería.....101,65 €

6.- Capítulo 06- Remates e axudas

- Verteaugas de chapa de aluminio lacado.....101,65 €

7.- Capítulo 07- Xestión de residuos

- Xestión de residuos.....336,21 €

8.- Capítulo 08- Control de calidade e ensaios

- Control de calidade.....336,21 €

9.- Capítulo 09- Seguridade e saúde

- Seguridade e saúde.....840,53 €

• Outros

- a. Alquiler andamio tubular normalizado.....1.272,54 €
- b. Transporte e retirada de andamio tubular normalizado.....1.865,00 €
- c. Montaxe e desmontaxe de andamio tubular normalizado.....6.724,90 €
- d. Protección de andamio con malla de tecido plástico.....6,95 €
- e. Excavación en zanzas para instalacións en calquer tipo de terreo con medios mecánicos.....72,56 €
- f. Soleira de formigón armado e= 12 cm.....67,14 €
- g. Arqueta a pe de baixante 50x50x50.....439,17 €
- h. Arqueta de paso 50x50x50.....523,36 €
- i. Colector enterrado de saneamento PVC SN-4.....86,11 €
- j. Demolición de pavimento continuo de formigón armado e=12cm.....34,90 €
- k. Recheo e reparación de xuntas de muros de mampostería.....101,65 €
- l. Cerramento de fachada formado por panel sándwich aislante para fachadas e=40mm..... 137,20 €
- m. Remate para verteaugas de cerramento de paneis de aceiro.....42,53 €
- n. Remate para esquina exterior de cerramento de paneis de aceiro..... 44,81 €





- o. Xestión de residuos..... 336,21 €
- p. Verteaugas de chapa de aluminio lacado.....101,60 €

